

manifeste cognoscimus totum illud quod dicitis esse uerum. & ideo pro omnibus uestris hominibus respondebo/ qui penes uos sunt quod propter istud prelium faciendum non deherimus uobis/ donec habebimus uitam in corpore & potius mori uelemus quam non obtinere in prelio & de hoc debemus esse securi uidelicet quod uincemus propter ius quod habemus/ & ipsi habent obliquum. & ideo consulo & laudo quatenus procuremus ire quam citius ualemus causa inueniendi inimicos nostros & omnes socios nostros deprecor/ quod in hoc prelio se debeant taliter experiri/ quod totus mundus inde loquatur. & taliter suum finiuit sermonem. Et post istum nullus fuit qui aliquid uelet referre/ set omnes concordauerunt cum isto & nil aliud affectabant quam prelium cum inimicis eorum. Et cum apparuit aurora Argon cum suis gentibus tempestiue exurexerunt & arripuerunt iter uoluntarij multum in suos inimicos dampnum inferre & equitauerunt tantum quod peruenerunt in planiciem in qua inimici eorum tentoria sua tetenderant. sta|tuerunt ergo 116<sup>v</sup> campum suum iuxta campum Acmat per decem miliaria. Et cum firmassent campum Argon elegit duos homines de quibus multum confidebat. & ipsos ad patrum suum transmisit Et talia uerba misit dicendo qualia poteritis audire :/ qualiter argon misit suos nuncios ad Acmat

**Q**uando uero isti duo uiri discreti qui maximi euo erant habuerunt licentiam nullam moram fecerunt set statim arripuerunt iter/ & iuerunt ad campum & descenderunt ad pampilionem Acmat ubi ipsum cum multis baronibus inuenerunt quem curialiter salutauerunt/ et Acmat eis dixit quod bene uenerint. & ipsos coram se fecit sedere Et cum aliquantulum permansissent unus ex duobus nuncijs surexit & taliter fuit locutus. domine Acmat nepos uester Argon de eo quod fecistis multum miratur uidelicet quod ei dominium abstulistis & etiam contra eum in mortale prelium & campestre insurgitis. hoc equidem non est bonum neque uos tamquam bonum patrum habuistis. unde per nos uobis notificat & uos humiliter rogat tamquam suum genitorem & patrum quem uos reputat quatenus ab hoc negotio desistere uolitis/ & quod prelium aut aliud malum inter uos non existat & ipse uult pro patre & domino uos tenere & tocius sue tere dominium habeatis. hoc est id quod nepos uester per nos uobis transmittit. & hic finem| imposuit uerbis suis /qualiter Acmat respondidit nuntijs Argonis//—— 117<sup>r</sup>

**E**t cum Acmat soldanus intellexisset id quod argon suus nepos mitebat tale nuntijs dedit responsum. dominj nuntij meus nepos nil dicit nam terra mea est & non sua. quia ego tamquam pater suus ipsam nostro dominio subiugauit & ideo meo nepotj dicatis/ quod si uult ipsum statuum magnum dominum. ei multas terras impendam/ & erit tamquam meus filius & erit maior aliquo baronum penes me & si hoc non uult fatiam toto posse tradere ipsum morti. hoc quippe nepoti meo facere uolo & alia pacta & conuentiones in me